

## Ĝeneralaj instrukcioj

- Ĉiu partoprenanto bonvolu plenigi kaj sendi apartan aliĝilon kaj por la kongreso kaj por la postkongreso al la adreso de LKK. Ankaŭ familianoj sendu apartan aliĝilon.
- Skribu majuskle kaj preslitere aŭ tajpe, donante ĉiujn petitan detalojn.
- Sendu la pagon, nur en eŭroj, al la indikita bankokonto de la LKK. **Oni traktos la partoprenon nur post alveno de la pago, kiu devos alveni plej malfrue ĝis la 28a de februaro 2009.**
- Se vi pagas por alia persono, kiu nepre devas sendi apartan aliĝilon, menciu precizajn informojn pri la koncerna persono (nomo, lando, adreso).
- Ĉiuj kostoj pagitaj por la postkongresa programo estos redonitaj se ĝi ne okazos. Se mendinto ne ĝin partoprenos pro ajna kaŭzo, la antaŭpagitaj sumoj estos redonitaj post la depreno de 10% por administrado, kondiĉe ke LKK ricevu la malmendon antaŭ la 15a de aprilo 2009.
- LKK konfirmos la ricevojn de aliĝilo kaj pago per sendo de konfirmletero, kiu estos la persona legitimilo. **Nepre** ĝin kunportu al la kongreso. Bonvolu noti pro via intereso, kion vi mendis kaj pagis.
- LKK havas la rajton ŝanĝi la prezojn, se inflacio aŭ ceteraj ne antaŭvideblaj kondiĉoj devigos tion.**
- La postkongresa programo komenciĝos sabaton la 30<sup>an</sup> de majo, matene, kaj finiĝos lundon la 1<sup>an</sup> de junio, vespere.
- La prezo de la postkongresa programo inkluzivas transporton, enirbiletojn kie necesas, kaj tagmanĝon, **sed ne tranoktadon kaj vespermanĝojn**. Por la ekskurso al Venecio ĉion oni pagos rekte surloke (tagmanĝon plus eventualajn enirbiletojn por viziti muzeojn, preĝejojn aŭ simile): LKK prizorgos, se petite, nur la trajnbiletojn.
- Pri la disvolviĝo de la postkongresa programo, pli detalaj informoj dum la IFEF-kongreso mem.

La reloj  
kunligas  
la landojn



Esperanto  
la popolojn



## POSTKONGRESA ALIĜILO

de la 30<sup>a</sup> de majo ĝis la 1<sup>a</sup> de junio 2009  
en Triesto - Italio

Kongresa adreso: TRIESTA ESPERANTO-ASOCIO  
P.K. 601 Trieste Centro - IT-34101 Trieste TS - Italio  
Tel: +39 040 350093; 040 398562  
Retadreso:  
noredv@tele2.it; testudo.ts@gmail.com  
<http://www.esperanto.it/trieste/>

BancoPosta Poste Italiane SpA: Associazione Esperantista Triestina  
IBAN—IT 73 H 0760102200 000010834349 BIC—BPPIITRRXXX

### Mi aliĝas al la Postkongreso 2009 en Triesto

Viro  Virino  Vegetarano Jes  Ne

Familia nomo \_\_\_\_\_

Persona nomo \_\_\_\_\_ Naskiĝjaro \_\_\_\_\_

Strato \_\_\_\_\_ N° \_\_\_\_\_

Poŝtkodo kaj urbo \_\_\_\_\_ Lando \_\_\_\_\_

Telefono \_\_\_\_\_ @-adreso \_\_\_\_\_

Ĉefaliĝinto  Familiano

PROGRAMO DE LA POSTKONGRESO 2009		
<b>Sabato 30.05.2009 - PRIFERVOJA TAGO</b>	60,00 €	
<b>Dimanĉo 31.05.2009 - KARSTA TAGO</b>		
<b>KT1</b>	60,00 €	
<b>KT2</b>	45,00 €	
<b>Lundo 01.06.2009 - VENETA TAGO</b>		
<b>VT1 - Ŝipe al Muggia</b>	50,00 €	
<b>VT2 - Ekskurso al Venecio (nur kosto de trajnbiletoj, ire kaj revene, se aĉetitaj de LKK)</b>	17,50 €	
		<b>Fina Sumo</b>

Loko, dato \_\_\_\_\_

Subskribo \_\_\_\_\_



Kelkaj informoj pri la vizitoj de la postkongresa programo

**PRIFERVOJA TAGO:**

A) Fervoja Muzeo: iama Stacidomo *Campo Marzio*, transformita al muzeo en 1984, danke al agado de Libertempa Fervojista Organizo, en ĝi troveblas antikvaj ekipaĵoj, lokomotivoj, dokumentoj, fotoj kaj aliaj prifervojaj objektoj.

B) Nekonataj reloj ĉirkaŭ Triesto - per malnova trajno itinero laŭ reloj ne plu utiligataj por pasaĝera trafiko kun haltoj en la plej malnovaj stacidomoj: *Rozzol*, *Villa Opicina*, *Aurisina* kaj *Miramare*.

C) en *Servola*: konatiĝo kun malnova triesta kvartalo, vizito de Fervoj-miniatura Klubo, kie oni povos ludi per la etaj trajnoj kaj samloke admiri la ekspozicion pri Kripoj, de Etnografia Muzeo kaj aŭskultado de virinvoĉa Koruso "Ivan Grbec", kantonta diverslingve.

**KARSTA TAGO - KT1:**

A) Giganta Groto, malrapide malsuprenirante ŝtuparon, oni admiras la grandiozan spektaklon faritan de la naturo: stalagmitoj, stalaktitoj, kristalaĵoj en la plej vasta kaverno de la mondo.

B) Botanika ĝardeno "Carsiana", konatiĝo kun karsta kaj flaŭra medioj.

C) Fortikaĵo de *Monrupino*, supre de karsta monteto alta 418 metrojn, rigardanta al la maro, staras preĝejo, unuafoje menciita en episkopa dokumento de la jaro 1316.

Ĉ) la turegoj de *Monrupino*, eksterordinara ekzemplo de natura fenomeno tipe karsta, en ĉeesto de antikva surfaco kaj pro la interveno de solva agado de la kalkaj mineraloj.

D) Karsta Domo, tipe kamparana domo, el karsta ŝtonaro.

E) Pado *Rilke*, natura teraso, 2-kilometrojn longa, alrigardanta la blankajn klifojn de *Duino*: Karsto kaj Maro vin ravos!

**KARSTA TAGO - KT2:**

A) Valo *Rosandra*: profunda kanjono, elfosita en la kalka rokaro kaj fliŝo, de la torento *Rosandra*, ĝi estis ekde la praepoko la plej grava komunikvojo inter la landinterno kaj maro.

B) *Bottazzo*, kelkdoma vilaĝeto tute ĉelima kun Slovenio, kie troviĝas restaĵoj de antikvaj muelejoj.

C) Surroka Preĝejo dediĉita al Sankta Maria en *Siaris*, tie starigita jam en la 12<sup>a</sup> jc, al kiu unufoje jare oni procesie algrimpas.

Temas pri ekskurso por personoj kiuj kutimas promenadi kaj ekskursadi: la padoj estas tute ŝtonaj, ofte la vojoj estas sufiĉe deklive krutaj, tamen la naturon, kiun vi havos la eblon renkonti, ne facilas trovi ĉie ajn. La celo tute ne estas kuri kaj rapidi: oni devas ĝui panoramojn, observi la tipan flaŭron kaj aŭskulti la klarigojn de la gvidantaro.

**VENETA TAGO - VT1:**

Tien kaj reen, per ŝipo, al *Muggia*, tipe venecistila urbeto, kun bela ĉefplaco kie staras la Ĉefpreĝejo (1450) kaj la Palaco de la Rektoroj, surhavanta la venecian Leonon pri Milito, pro la fermita libro. Viziteblas la preĝejo de Sankta Francisko, unika ekzemplo pri gotik-franciskana arkitekturo, la malnova *Muggia* kaj ties Baziliko dediĉita al Sankta Maria Ĉieleniranta, situanta sur monteto de kie panoramo ĝuindas, kaj malrapide oni promenados tra la etaj, mallarĝaj stratoj.

**VENETA TAGO - VT2:**

Ekskurso al Venecio, per trajno: ĉiĉeronado de lokaj esperantistoj kaj tagmanĝo ĉe la fervojista manĝejo.



*Provizora Programo  
de la Postkongreso 2009 en Triesto  
de sabato 30 majo, matene,  
ĝis lundo 1 junio, vespere*

Sabato 30 majo 2009 - PRIFERVOJA TAGO	
09.00	Vizito de Fervoja Muzeo
10.30	Nekonataj reloj ĉirkaŭ Triesto – trajne ĉirkaŭ la urbo
12.30	Tagmanĝo
15.30	Per urba buso al <i>Servola</i> , kvartalo en Triesto - vizitoj de: Mezeŭropa Fervoj-miniatura Klubo kaj de Kripa Muzeo; Etnografia Muzeo; Koncerto de virinvoĉa koruso "Ivan Grbec".
18.30	Reveno urben per buso.
Dimanĉo 31 majo 2009 - KARSTA TAGO	
8.30-18.00	Elektu inter la du itineroj kaj tion klare indiku en la aliĝilo. Nepras surmeti komfortajn ŝuojn, taŭgajn por ŝtonecaj vojoj. <b>KT1</b> Vizito de la: ★ Giganta Groto, la plej granda kaverno vizitebla en la mondo; ★ Botanika ĝardeno "Carsiana", konatiĝo kun flaŭro de la karstaj teritorioj; ★ Fortikaĵo de <i>Monrupino</i> , fortikigita preĝejo de la 14 <sup>a</sup> jc; ★ Turegoj de <i>Monrupino</i> , karsta natura fenomeno; ★ Karsta Domo, tipe kampara domo; ★ Pado <i>Rilke</i> , inter Karsto kaj Maro. <i>Buse al la diversaj vidindaĵoj, tagmanĝo laŭ lokaj tradicioj.</i> <b>KT2 - por marŝemuloj</b> ★ Valo <i>Rosandra</i> , kruta kanjono kreita antaŭ miliono da jaroj; ★ <i>Bottazzo</i> , kelkdoma vilaĝeto, najbare de Slovenio; ★ Preĝejo de Sankta Maria en <i>Siaris</i> , unuafoje starigita en 1200. <i>Buse kaj piede, tagmanĝo laŭ lokaj tradicioj.</i>
Lundo 1 junio 2009 - VENETA TAGO	
9.00-18.00	<b>VT1 - Ŝipe al Muggia (ire kaj revene)</b> - Vizito de urbeto kun tipe veneciaj trajtoj: Kastelo, la Malnova Muggia, Baziliko kaj romiaj restaĵoj, Preĝejo de Sankta Francisko, trankvila irado tra la etaj urbataj stratoj, speciala fiŝa tagmanĝo. <b>VT2 - Ekskurso al Venecio:</b> trajne, ĉiĉeronado de lokaj esperantistoj, tagmanĝo ĉe la fervojista manĝejo. <b>Grave:</b> bonvolu informi, ĉu NI devos prizorgi vian trajnbileton de Triesto al Venecio aŭ vi mem rekte zorgos pri la afero.